



Universitätsbibliothek Paderborn

**Consolator Fidelis Et Proficientis Animæ seu
Exhortatiunculæ Spirituales Et Succinctæ In singulas
Dominicas & Festa anni divisæ, quibûs Confessarius in S.
tribunali animam Deum verè quærerentem paternè ...**

Eisvogel, Veremund

Augustae Vindelic., 1727

Dominica tertia

[urn:nbn:de:hbz:466:1-52716](#)

Petit voluntatem, & judicium sibi offerri
in victimam : Sed ô ingratitudinem !
omnia ei negamus. Reddimus potius
pro bono in alium , pro virtute pecca-
tum.

Instructio meritoria.

Impugnemus impugnantes nos , &
passioni, quâ vehementius infestamur,
in honorem septem Gaudiorum Beatissimæ Virginis opponamus septem actus
contrarios cum Psalmo ter repetendo :
Deus misereatur nostri, & benedic no-
bis &c. Hostis cadit resistentiâ al-
terius.

Dominica III. post Pascha.

EXHORTATIUNCULA I.

Vult Christus Jesus , ut gaudia falla-
cis sæculi penitus mittamus , &
cum Ipso in solis tribulationibus , tentationibus , & adversitatibus gaudeamus.
O fili ! nónne durum , & asperum hoc
mandatum est ? oportet tamen implere,
si & ipse cupiat cum Jesu æternūm lætari
in cœlis.

Instructio meritoria.

Obvias Cruces , & ærumnas hodie ac-
cipia-

cipiamus de manu Dei gratias agentes, & dicentes : *Quām bonus Israēl Deus his, qui rectō sunt corde.* Et ut inter adversa semper gaudeamus, & contristemur nunquam, in venerationem 7. gaudiorum B. V. M. recitemus hodie *Cursum Marianum.* Maria in gaudio : Cur tristis est anima tua?

II.

Modicum & non videbitis me. Magna veritas! profectò modici & breves sunt dies hominis, & tota ejus vita quid aliud nisi breve modicum, quō homo vivit, videt, & videtur. Sed paulò pòst inveniemus eum in tumulo. Sic in ictu oculi clauduntur omnia. Fili! ut quid ergò transitoriis, momentaneis immergimur?

Instructio meritoria.

Legamus ante somnum adhuc aliquid de morte, & sequetur suavissima nox. Mortis memoriam ut in sensibus nutriamus, oremus illum Lessum : *Dies iræ, dies illa Oc.* cum Psalmo *Miserere.* Beatus, quem si venerit Dominus, invenerit vigilantem.

III. Fi-

III.

Fili! modicum est in comparatione cum cœlo, & æternitate, quidquid possidet mundus. Et hōc modicō multi sibi emere solent cœlum cum Deo; at plures (& quæ hæc insanis?) miserias sibi comparant perpetuas; quia pro Deo & cœlo sibi eligunt mundi, & vanitatum stercora. Nos quid statuimus? si sapimus, Deum cum cœlo.

Instructio meritoria.

Suspiciamus igitur patriam supernam cum suspirio: *O quam soror mihi terra, dum cœlum aspicio.* Et ut crescamus piis desideriis erga Deum, & nostram in cœlis quondam obtainendam gloriam, trinam instituamus Visitacionem ad templum, & Ecclesiam, ubi quam devotissimè persolvamus Psalmum: *Quam dilecta tabernacula tua Domine Deus virtutum C. O Jesu!* bonum est ibi esse; faciamus nobis tria tabernacula.

Do-